



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.25. Causa Universitatis Parisiensis.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII.
A.C. 1256.

§. XXV.

Causa Universitatis Parisiensis.

To. II. Conc.
p. 738.

Duhoulai
p. 295.

Interim ob cæsionem Ecclesiæ Carnutensis chori Præfectum Parisiis Concilium celebrabatur. Præsidebat Henricus Archiepiscopus Senonensis: aderantque Episcopi quinque, Guilielmus Aurelianensis, Reginaldus Parisiensis, Vitus Antifiodorensis, Nicolaus Trecensis, Adelemus electus Episcopus Meldensis. Agebatur ibi etiam de controversia Universitatis cum Dominicanis: & partes inducebantur ad cooptandos arbitros, qui fuere quatuor Archiepiscopi, Philippus Bituricensis, Thomas Remensis, Henricus Senonensis, & Odo Rothomagensis. Præstituto partibus die audiebantur earum Procuratores. Dominicani conquerebantur, quod de gremio Universitatis depulsi, & duabus Theologiæ Cathedris diu possessis privati fuerint; quod Doctores cum discipulis suis juraverint, se nunquam passuros esse, Religiosos Mendicantes ad Universitatis corpus pertinere; quod contra ipsorum mendicitatem habuerint conciones, ipsis injurias intulerint, & insultare non desinant. Doctorum nomine Guilielmus de Sancto Amore exponebat, quas ob causas Fratres Mendicantes abacti fuerint; querebatur

batur de censuris, quas hi contra ipsos Sæcul. XIII.
Romæ impetraverint, & postulabat, ut A.C. 1256.
eas retexi curarent.

Arbitri sic statuebant; Fratres duas duntaxat habebunt scholas. Semper manebunt separati a corpore Magistrorum auditorumque secularium Parisiensium, nisi ultro hi eos illuc revocaverint. Alteri tamen alterorum discipulos recipient. Fratres abdicabunt omne jus acceptum ex litteris huic sanctioni contrariis, seu per se, seu per alios obtentis, vel obtinendis: & curabunt retexi sententias, quæ dicuntur latae contra seculares, qui nolent ipsos recipere. Fratres ob dissidia præterita nec Universitatem, nec privatum quenquam molestia ulla afficient. Cæterum hæc eorum a secularibus separatio propter bonum pacis est facta, non quod in illis vituperabile quidpiam invenerimus. Hæc sunt præcipua puncta sententiæ arbitrariæ, quæ præfixa tenet nomina quatuor Archiepiscoporum, & scripta est 1. Martii an. 1255. scilicet an. 1256. ante Pascha.

Sed tertio Martii Papa Alexander ad Episcopum Parisiensem Romæ litteras dedit sic inchoatas: *De quibusdam Magistris*; in quibus cum Satanæ filios ac hostes pietatis vocasset Doctores ac discipulos illos, qui se Dominicanis opponerent, ac ne stips eis præberetur, ob-
starent,

Sæcul. XIII.
A. C. 1256.

starent, Episcopum iussit anathema contorquere in omnes illos, qui alios a confessione faciendâ his Fratribus, siquidem istis Papa, vel Legatus ejus, aut Episcopus, vel Parochus potestatem fecerit, vel ab audiendis eorum concionibus lectionibusve averterent, aut eis ingressum in scholas lectionum & disputationum tempore denegarent. Post mensis spatium 4. Aprilis Papa Universitati per epistolam exprobravit, quod constitutionem scholæ suæ conservandæ gratia factam (intelligo diploma: *Quasi lignum vitæ*) non observaverit. Hoc adscribit privatis quibusdam (inter alios Guilielmo de Sancto Amore) qui reliquos subornassent, & Universitati, nisi obedientiam præstet, pœnas minatur. Post dies octo Papa Regem S. Ludovicum per litteras oravit, ut Episcopo validam commodaret manum ad coërcendam Academicorum contra Dominicanos insolentiam. Hæ tres epistolæ videntur esse scriptæ, antequam Papa sciret compositionem Parisiis factam.

§. XXVI.

Eremitæ S. Augustini.

Eodem tempore Papa Alexander quinque Eremitarum Congregationes, duas S. Guilielmi, tres S. Augustini, unum